

INUIT ATAQATIGIIT INATSIARTUNI



UKA2023/138
9. novembarip 2023
Mikivisuk Thomassen

Imigassat aalakoornartortallit kimittuut sumiiffiit ilaanni matoqqatinneqarnerat pillugu apeqquteqaat aallaavigalugu oqallinnissamik siunnersuut.

(Inatsisartuni ilaasortaq Knud Mathiasen, Attaviitsoq)

Oqaaseqaat:

Qujanaq apeqquteqaat aallaavigalugu saqqummiisumut.

Imigassamik aalakoornartortalimmik killilersuinerit illoqarfiit ilaanni ingerlanneqartut oqallisissiamik saqqummiisup oqariartuutigivaa, oqaatigisaanilli itinerusumik paasisaqarusuppunga, oqaaseqaataa takugaanni annertunerusumik tunngavilersorneqarsimangitsoq takuneqarsinnaammat.

Imigassamik aalakoornartortalimmik illoqarfiit ilaanni atuutsinneqarput assersuutigisinnaavara Qaanaaq Nunaqarfittaani, kisiannili erseqqissaatigissavara nunaqarfiit innuttaasa ilaasa kissaatigisimavaat imigassaarniarneq nunaqarfinni ingerlanneqassanngitsoq, taamani eqqaamaqqissaarpara Qaanaami imigassanik aalakoornartulinnik tassangaannartumik nioqquteqarsinnaaneq unitsinneqartoq, tunngavilersuutaasut ilagaat meeqqanik inuusuttuaqqanillu sumiginnaanerit, allallu tunngavilersuutigineqarlutik, piffissalli ingerlanera % 15 killigititaq malillugu ammaasoqaqqilluni. Soorunami inuttaasunut killilersuinerit assigiinngitsut ingerlanneqaleraangata inuttaasunut peqqinnangitsuusarput, kisiannili aamma iluaqutitaqarlutik.

Imigassallersinnaanerli Kommunit akisussaaffigai, naqissuserusuppara. Taakkuummata inuttaasut tikillugit sullissisut, taakkuummata Kommunit namminneerlutik isummerfigisassaat ilumut illoqarfimminni nunaqarfimmillu imigassanik aalakoornartortalinnik nioqquteqassanerlutik.

Kommunit akisussaaffiit tigusinnginnissarput erseqqissarusuppara, kommunini qinikkat namminneerlutik saaffiginnissuteqartussaapput imigassanik aalakoornartullu pillugit.

Saqqummiisup ilaatigut eqqaavaa qineqqusaarnermi assigiiaartumik nioqquteqarsinnaaneq annertunerusariaqartoq oqaatigineqarnikuusoq, soorunami tamanna pillugu ilungersuuteqartoqartoq tamatta ilisimavarput.

INUIT ATAQATIGIIT INATSIARTUNI



Kisiannili eqqaamassavarput aamma pingaaruteqarluinnarmat Kommunit oqartussaaffiinik qulangerlugit aaliangersaassannginnatta, kommuuniniit namminneerlutik pisariaqartsitineq aallaavigalugu saaffiginnissuteqarsinnaajuaannarput.

Tamatta inoqarfiit assigiimmik atugaqartoqarnissaa pingaartinneqarpoq, nioqqutissatigut, inuuniarnikkut allatigullu kissaatigigipput naatsorsuutigineqarsinnaavoq, kisiannili eqqaamassavarput inooriaaseqarpugut assigiinngitsutigut ingerlasut, tamannalu aallanngortsinneqarsinnaanngilaq ataqqisassaammat.

Imigassamik aalakoornartulinnik kimittuunik taaneqarsinnaasunik nioqquteqarfiunngitsunik isumaqartoqarsinnaasarpoq immikkoortitsisoqartoq, tamannali isumaqarpunga kommuunit akisussaaffigigaat inuttaasuminit kissaatigineqarpat, qanoq iliuuseqartussaasut tassaasut kommuunip iluani qinikkat.

Inuttaasut toqqissisimanartumik inuuneqarnissaat pingaaruteqartoq ilisimavarput.